

增補

出青新集

一
函
八
冊

齊
民
和
書
局
藏
書
印

PDG

憑山閣增輯留青新集卷二十一 目次

告示

斥謬尊以崇聖教示

朱圖光

禁妄報人命示

陳秉直

寬恤商賈示

于成龍

嚴禁惡捕線盜扳窩示

李之芳

禁搭臺演戲示

失名

勸開荒以廣農業示

顏孝揆

飭私票收糧示

李乾生

勸諭安葬示

胡昇猷

禁包攬示

陳旭

禁溺女典婦示

稽永福

禁借營債示

趙世安

嚴禁剪竊示

陳秉直

禁兵安民示

矢名

培植士風示

張安茂

嚴禁冒替示

闕諱

觀風試士示

金鉉

禁飭滿兵示

麻勒吉

禁取舖行示

王元曦

申禁私鹽示

俞堯

剪除積蠹示

矢名

申禁示

陳旭

申禁窩逃窩盜示

張圓

門禁示

孫昌裔

再諭義學示

汪曾垣

息訟示

章綬

勸民息訟示

俞硯如

息訟示

施宏

禁私鹽示

洪之傑

禁止詞連生監示

施宏

再禁賭博示

汪曾垣

勸輸積穀示

施宏

立法勸輸等事示

俞硯如

清弊事示

吳道煌

設行易知限單示

施宏

救火示

黃六鴻

禁民避兵示

吳興祚

勸農示

施宏

廣勸種植示

施宏

申飭溺女示

程光縉

禁鬻妻示

汪曾垣

禁凌錮僕婢示

黃六鴻

禁烹分票帳示

施宏

驅逐娼妓示

黃六鴻

申禁刁民具詞捕衙示

施宏

禁貼匿名揭帖示

施宏

禁婦人入廟燒香示

黃六鴻

禁止檯神爭道示

施宏

祈雨示

施宏

月課童生示

陳旭

代建南道觀風課士示

姚是龍

代蘇郡司李會考示

柴紹炳

季考示

張丁雲

禁革舖行示

陳旭

憑山閣增輯留青新集卷二十一

西冷陳 枚簡侯選

男

德裕子厚增輯

仁和張紫荷峙南訂

休邑朱從儀慎威衆閱

告示

斥謬尊以崇 聖教示

朱圖光

寅先

竊惟 先師孔子道高古今神在古今德侔天地位配天地是以璧雍鐘鼓而外非郡邑不得建學非學宮不得立主定一尊而成褻瀆甚盛典也祀歷代有加而 盛朝爲莫並釋奠則聖躬親舉扁額則 宸翰輝煌 天子且然況乎臣庶近者鄉僻之壤多置三教堂釋中道左 聖像居右狂妄不根無如此極出之愚民猶云無識乃聞主持之人不之識丁之子儒名墨

行殊不可解。夫泰山不享非禮之祭。至聖忽來非分之尊。曾謂日月不如丘陵。本廳忝紫陽後裔。患斯道之蹂躪。爲此示仰僧俗人等。知悉願爾等蠲愚去昧。思義顧名。務實修而戒諂黷。立行改正。以定仰止。嗣後不得憑臆。位置重蹈非聖無法之條。則本廳于世道人心有厚幸焉。倘執迷不悟。妄謂異端反居聖教之上。將仁義克塞。未始不由此一端積漸使然。本廳除竟行嚴查究處外。仍當申報上臺。上臺中豈無昌黎廬陵其人者。傳檄以責。斃亂之人將何辭以對。特示。

禁妄報人命示

陳秉直

司貞

照得江南積弊。地方人命。無論真僞。保甲索詐不遂。卽行申報。以致小民生者拖累死者暴露。爲害不淺。本司深悉其弊。是以

前徑申禁凡果真正謀殺故殺毆殺方許保甲其實申報其投
河自縊路倒并失腳落水等項許屍親立時收殮掩埋不許保
甲妄報屢經出示嚴禁不謂猶有踵習故弊仍前不法者今聞
上河地方張瑞義男安兒失腳落水身死被保甲通報廳縣乃
該縣印官不行察明差役四出致胥役居爲奇貨希圖索詐不
容掩埋假令果係真命該廳縣亦當隨行親驗卽着暫殮亦不
應差役肆擾况係失腳落水原非真命差拘勒指將欲何爲乎
藐法殃民殊可痛恨除立拿保甲縣役究處外姑再嚴行飭禁
爲此示仰闔省軍民并保甲人等知悉嗣後凡地方人命如果
係謀故毆殺方許保甲申報至于投河自縊失腳落水等項俱
聽家屬掩埋一槩不許妄報如保甲仍前不遵借端妄報及該

地方官擅行差擾許被害之人卽赴本司喊稟以憑立拿究處
決不再宥

寬恤商賈示

千成龍

北道

據蕪湖關司官詳稱職司念切恤商志專釐剔一切商稅照部
頒定例徵收卽本地出口土產貨物槩從寬恤立爲放行免其
輪納二丈以內及糞草小船俱免納稅所有陋弊積習業已迭
第清除嚴行禁革至於衙役裁汰繁冗量留需用亦卽給號衣
以杜假冒分防各口現在裁併詳商光棍韋宸韋仲賢拿解安
撫部院究擬勾商漏稅之鍾喜枷示責逐職司蒞任以來查驗
商船稽察各口俱必躬親巡歷祛除錮弊不遺餘力務其上下
肅清國裕商寬無負職守遵奉憲檄倍當凜惕所有光棍客

俟訪確另行拿解。到院據此為照。向來各關官蠹貓鼠病商虧課風趨日下。近聞各司官大破積習。嘉與維新。本部院深為爾商民慶幸。所有蕪關噶司官革弊善政。合行出示曉諭。仰商民人等知悉。嗣後爾等貨物以關俱照。則剗輸納正項錢糧。凡一應單錢火耗使費等項。一槩盡免。私設口岸盡行裁併。倘有大膽蠹棍陽奉陰違。額外苛索。卽指名奔控。官叅蠹處慎勿隱忽自誤。

嚴禁惡捕線盜扳窩示

李之芳

新刊

為嚴禁惡捕線盜扳窩誣良私拷以肅法紀以安民生事。照得捕役誣陷私刑立法甚嚴。現行則例內開。凡番役人等捉獲強盜。先送官審不許私刑。取供違者。于本衙門枷號一月。責四十

板葦。沒如得財及誣陷無辜者。從重科罪。至于妄用腦。蘊毛。竹連根。大板及竹簽。烙鐵等刑。致斃人命者。以故殺論。不准援赦。其初招既定。不許續扳。又拿獲強盜于未審之時。承問官。卽驗有無傷痕。如有傷。卽將捕役詳審。照例懲治等因。遵行在案。國法昭然。孰敢違悖。詎意奸惡捕役。愍不畏死。凡遇強竊事案。不將真紀上緊緝獲。先圖殷懣鄉愚。指窩指盜。任意私拿。多在深林僻地古廟庵觀空房冷屋之內。非刑弔拷。五毒備至。名爲做索言之慘。不忍聞。當此生死呼吸之際。何求不得。隨所意授矢。口招承清白無辜之人。頃刻卽成真盜。于是恣其勒詐。傾家蕩產。賣子鬻妻。無不飽其虎吻。乃復公然私放。又慮事後告發。故富躬拷之時。理勒親供。留爲左券。使被害者備受慘苦。緘

口難言。若或詐索不遂。卽以拷勒口供爲憑。粧點私臧。嚇令到官。照供直認。少有更改。倍加嚴刑。嗟此。虽之民心胆墮地。只顧目前。暫緩痛楚。含糊供認。地方官以獲盜爲倖。以奸捕之刑。拷勒供奉。爲金科玉律。冀圖急案。誰肯細心推勘。卽司府各官。拘泥初招。亦不暇更端平反。孰知差之毫釐。失以千里。無辜之民。憑空枉陷。有按未結而拖累致死。卽問有一二昭雪。而身家早已破碎。及至眞盜就獲。則又勒囑扳窩株連。妄指統竄肆捉勢。若抄家搶劫。姦淫無所不至。橫行復法言。念及此奸捕之惡。罪不勝誅。他處皆有。惟獨杭嘉湖寧紹。爲尤甚。除一面密訪嚴拿。從重究處。外。合行嚴禁曉示。仰官役軍民人等。知悉嗣後。敢有前項惡捕誣良諸弊。許被害。人等據實指名呈告。以憑嚴拿。

審實盡法處死。若在深林僻地空房古廟私行弔拷許地方隣佑僧道密報就近有司添差協拿將惡捕嚴禁通詳從重究擬如有通同容隱事發一體治罪該管官嚴加申飭據實揭報敢再徇縱殃民定卽一併題叅本部院法在必行斷不姑貸

禁搭臺演戲示

失名

爲禁搭臺演戲以抑奢靡事照得崇神不在燕會演戲必生事端况非所以厚風俗尚節儉乎本院每見杭城統袴子弟或素封之家罔知稼穡之艱難惟事嬉奢而縱欲偶有細事輒用梨園甚而遊手好閑之徒地方偶獲小故遂軟盟祈禱科歛民財半充囊橐處處搭臺演戲人人廢業失時戲子得以肆侮奸棍乘此生非風靡俗薄良可嘆恨合行嚴禁爲此示仰軍民人等

知悉當思顛沛之餘惟以節儉爲本不得淫奢極慾演戲祈神
招尤賈禍敢有故違頭家及地方總甲一併重責枷號里鄰不
舉事發連坐雖時事倥傯不暇論此然當民窮財盡之時抑奢
崇儉亦挽救之本計也願爾民互相勸勉毋戾吾法須至示者
勸開荒以廣農業示

顏堯揆 奉敘

照得農以力田爲本業以廣植取饒凡爾百姓歲有應納之官
糧日有必需之雜費上自祭祀燕享不及衣食婚嫁事事要行
節節難省務期田多業廣方能取用裕如今本邑荒田尚多使
富者能墾則家道益增貧者能墾則妻孥有靠赤身者能墾便
可有室家以致富庶流寓者能墾便可爲世業以遺子孫不費
半價而可得良田陸續用工而又得薨獲從長計較開荒實爲

策況今農事伊始。雨暘時若。正宜及時問種。使秋成有望。千倉萬箱。舉家歡樂。此亦何等美事。而甘蹉跎過日。豈本縣能爲爾百姓謀。在爾等百姓反不能爲一家謀。一身謀乎。爲此示諭四十二甲人等知悉。各相鼓勵。有力者獨耕多畝。無力者合本同開。其有欲墾無本者。着同約正具呈本縣。借給牛種。俱照例三年起課。仍給照帖。以杜爭端。如能墾踰百畝。卽着呈報本縣。定行賞紅。獎勵并免雜差。是爾百姓旣得爲務本之良民。又得受官府之優待。如此機會。萬毋坐失。轉相傳告。以觀厥成。

飭私票收糧示

李乾生 屏山

嚴飭私票包攬。以甦民困。以足正賦。事照得地丁蘆課二項錢糧。上關國計。下係民生。纖毫務宜着落。絲忽毋容侵蝕。但往

往有鄉下愚民聽信奸徒哄誘花戶不親到縣竟以糧銀私交排年排年私交里長里長私交櫃頭各立私票一紙遂爲憑據若被櫃頭蠹書交相侵蝕及至層層根究其害仍歸小民夫以私票收官糧原屬欺公之事即使楷墨鮮明字畫端楷亦不足據況于日月既久紙約破碎併私票字蹟亦在有無閃爍之間彼此涸爭莫可究詰所以設立截票半給納戶正爲杜防此等弊竇爾等愚民想亦家知戶曉但有一種簧口蠹棍善爲說詞百計哄誘不怕鄉愚不墮術中合行嚴飭爲此示仰各區里遞并圩長佃撥人等知悉示後完糧務以印票爲憑不許用私約包收如有故違不遵仍蹈前轍者查出除不准追賠外仍將與者收者各責三十板枷號一月不恕特示